



Br.: 08-L2-6-JK-36/23
Ilidža, 14. mart, 2023.

O B A V I J E S T

osoblju sa naučnim zvanjem doktora nauka angažovanim na Internacionalnom Burč univerzitetu, Univerzitetu „Džemal Bijedić“ u Mostaru, Univerzitetu u Bijaču i Univerzitetu u Istočnom Sarajevu za sudjelovanje u projektu „Uvođenje studentskih istraživačkih mobilnosti na univerzitetima u Bosni i Hercegovini“ – Introducing Student Mobilities to BH Universities (INSTREAM) kroz pružanje mentorske podrške studentima istraživačima čiji prijedlozi istraživanja budu odabrani za međuuniverzitetsku istraživačku mobilnost.

O projektu

Ovaj projekt, kojeg finansira Evropska unija kroz Instrument pretpristupne pomoći, provode četiri gore navedena univerziteta iz Bosne i Hercegovine sa Univerzitetom “1 Decembrie 1918,” Alba Iulia iz Rumunije. Glavni cilj projekta je omogućiti studentima korištenje resursa drugih univerziteta iz konzorcijuma kako bi imali priliku provoditi istraživanja van svog matičnog univerziteta. Na ovaj način će se ojačati međuuniverzitetska saradnja, stvorit će se bolji uslovi za studente istraživače te popularizirati nauka i naučno-istraživački rad među studentima kako bi oni doprinijeli razvoju nauke unutar BiH.

Način sudjelovanja

Sva angažovana lica na jednom od četiri gore navedena partnerska univerziteta sa naučnim zvanjem doktora nauka mogu sudjelovati u ovom projektu kao mentori studentima istraživačima. Razmjene se bira biraju na osnovu dostupnosti istraživačke infrastrukture na gostujućem univerzitetu, ali i komplementarnost sa onim na matičnom univerzitetu radi kontinuiteta istraživanja te dostupnost mentora koji je specijaliziran unutar date naučnoistraživačke oblasti. Nakon toga, mentori su dužni potpisati pismo namjere.

Proces odabira istraživanja

Prijedloge zatim ocjenjuje Komisija koju čini pet članova, odnosno po jedan član sa svakog partnerskog univerziteta. Nakon što prijedlog bude odobren, pokreće se procedura istraživačke mobilnosti. Javni poziv za dostavu istraživačkih prijedloga je otvoren tokom cijele godine, a navedena Komisija će o prijavama odlučivati najmanje dva puta godišnje i to do kraja marta i do kraja novembra tekuće godine.



Obaveze mentora

Akademsko osoblje treba se prijaviti za mentorstvo studenata-istraživača do 24. aprila, 2023. kako bi potencijalni studenti istraživači mogli birati univerzitete i mentore za svoje istraživačke mobilnosti. Uz prijavu, akademsko osoblje treba dostaviti podatke o ljudskim resursima (oblasti interesovanja, odnosno ekspertize) i istraživačkoj opremi i popis dostupne istraživačke infrastrukture kojoj imaju pristup unutar njihovih organizacionih jedinica.

Tokom istraživačke mobilnosti, obaveze mentora uključuju:

- rad sa studentom prilikom izrade prijedloga za istraživačku mobilnosti tako da tema bude u okviru naučno-istraživačkih polja akademca kao mentora,
- mentorisanje studenta za vrijeme istraživanja, odnosno održavanja povremenih konsultacija o svim dijelovima istraživačkog procesa,
- sudjelovanje u samom provođenju (dijela) istraživanja, ukoliko je rad kao konačni ishod predviđen da bude objavljen u koautorstvu s mentorom,
- evaluiranje studenta istraživača nakon provedene istraživačke mobilnosti, te
- pružanje podrške studentu istraživaču pri objavljivanju rezultata istraživanja na konferenciji ili u časopisu.

Prijavni obrazac je dostupan na sljedećem linku: <https://forms.gle/AJmhXBQtbFfm3Bd79>.

Obaveze studenta istraživanja

Studenti istraživači čiji prijedlozi istraživanja budu odabrani za finansiranje kroz ovaj projekt će provoditi istraživanje u skladu sa prijedlogom istraživanja na odabranom univerzitetu u saradnji sa mentorom u trajanju utvrđenim odlukom Komisije.

Nakon okončanja istraživačke mobilnosti se očekuje objavljivanja naučnoistraživačkog rada na konferenciji u roku od šest mjeseci od kraja istraživačke mobilnosti ili u časopisu u roku od 12 mjeseci od kraja istraživačke mobilnosti, osim ako Komisija nije drugačije odlučila pri dodjeli istraživačke mobilnosti.

Za više informacija o INSTREAM projektu i ovom pozivu, posjetite
<http://www.ibu.edu.ba/instream>.